



বাপু আঁখে মুদিয়ে

সৌমেন্দ্র মুখোপাধ্যায়

[Zoom In](#) | [Zoom Out](#) | [Close](#) | [Print](#) | [Home](#)

ছুরি, খঞ্জর যে নামেই চিনুন, গনগনে আঙুনে পুড়ে আমার জন্ম। ঘষে মেজে চিকন চাকন করে একজন আমায় বিত্রি করে দিল অন্য একজনের কাছে। কঠিন চেহারার যে লোকটা আমায় কিনল, তার লাল চোখ, নির্ধূর থ্যাঁবড়া আঙুল। মদ তাকে দিনরাত মজিয়ে রেখেছে। আমার জায়গা হোল তেলচিটে বালিস, নোংরা চাদর আর বস্তির কাঁচা নর্দমায় গন্ধের মধ্যে। সেদিন সকাল সকাল ভদ্রমতো একটা লোক কাজের আগাম দিয়ে গেল। নগদ টাকা, মদের বোতল-- ওঃ, আমার মালিক খুশিতে নেচে উঠল নড়বড়ে তত্তপোষের ওপর।

সন্দের মুখে আমরা বের হলাম। একটা লরিতে আমার মালিকের মতো স্বভাবের একদল লোক। তাদের মুখের ভাষা, গন্ধ, পাগলের মতো চিৎকার সব কেমন বেপরোয়া ধরনের। বেশ খানিকটা যাওয়ার পর এক গলির মুখে এসে গাড়ি থামল। সবাই লাফিয়ে নামল। মালিক শব্দ মুঠিতে আমার কোমরটা ধরে আছে। দেখি গলির মুখে নেংটি পরা আধা নাস্তা লোক দুচোখে কাঁচ ছাড়া চশমার ডান্ডি লাগিয়ে একটা লাঠি হাতে পাথরের চাঙড়ের ওপর যেন পাথর হয়ে দাঁড়িয়ে আছে। খাঁকি হাফপ্যান্ট পরা জবরদস্ত চেহারার একটা লোক চিৎকার করে উঠল 'বাপু আঁখে মুদিয়ে!' তারপর গলির ভিতর দিয়ে দলটা দৌড়তে শু করল।

আই বাপ, সারা মহল্লায় ঘর বেছে বেছে দরজা বন্ধ করে আঙুন দিচ্ছে। জয় বজরঙ্গ বলি--একি দেখছি আর শুনিছি। জ্যান্ত মানুষ জানালার ওপারে বাঁচতে চেয়ে কাঁদছে, আঙুনে বলসে কালো হয়ে যাচ্ছে। গোধরা, বদলা, পাকিস্তান কি আওলাদ, হিন্দুস্থান -- এই সব শব্দ শুনিছি। নাস্তা মেয়েমানুষ নিয়ে টানাটানি করছে আমার মালিকের দল। বলাৎকার চল রহা হ্যায়। ছুরি চলছে, তলোয়ার চলছে, লুঠ চলছে, লাশ পড়ছে, রক্ত আঙুন সব বিচিছরি লাল হয়ে ভাসছে। আমার মালিক একটা মেয়েকে তাড়া করেছে। সে দৌড়ে পালাচ্ছে গলি দিয়ে। মালিকের শিকারী জেদ। আঙুনের গুলির মতো ছিটকে বেরিয়ে আসতে চাইছে দুচোখ-- মিশমিশে কালো লোমশ বুক--বোতাম খোলা হাফপ্যান্ট। আমি ভাবছি মালিককে থামাই কি করে। আমি জড়। একটু জীবন পেলে নিজেকে ঘুরিয়ে নিয়ে দিতাম মালিকের হাতের তালু এফোঁড় ওফোঁড় করে। মালিক ধরে ফেলল মেয়েটাকে। আমি দেখি সেই আধা নাস্তা বাপু আবছা আলোয় মাথার ওপর তেমনি পাথর হয়ে স্থির। তার চোখ দেখতে পাচ্ছি না। সে কি আঁখে মুদেই আছে। তার লাঠিটা নামিয়ে দিচ্ছে না কেন মালিকের মাথায়। মেয়েটা মাটিতে চোখ বন্ধ করে ফোঁপাচ্ছে। তার তলপেটের ভিতরে, গরম রক্তের ভিতরে ডুবে আমি আমার জন্ম মুহূর্তের কথা মনে করছিলাম। কখন যেন ঠক শব্দে ছিটকে পড়লাম। দেখি বাপুর পায়ের নিচে আমি। রক্তের ফিনকিতে ভেজা বাপুর বুক। বাপু আঁখে মুদেনি তখনও। বুঝলাম সেও আমারই মতো জড়।

অন্ধকারে, হা হা কারের শব্দে, মাংস পোড়া বাতাস আর রক্তের আঁশটে গন্ধের মধ্যে নিঃশব্দ ব্রোধে পুড়তে থাকলাম, পুড়তেই থাকছি।

[Zoom In](#) | [Zoom Out](#) | [Close](#) | [Print](#) | [Home](#)

श्रुतिमन्त्रान

Phone: 98302 43310
email: editor@srishtisandhan.com